

der Philosophischen Materien.

3

nahn die Wässerig Substanz wie gehört/gar heraus ist / vnd das Ally begundt auffzusteigen / so soltu ein ander Glas oder Recipienten fürlegen / das Ally zu empfangen / vnd das Feuer ein wenig vnnnd aber ein wenig stercken / so lang bis daß nichts mehr von dem Ally auffsteiget. Dises Ally der Philosophen soltu in einem Glas gar wol vermacht behalten / dann diß ist die Materie vñ vnser heimlichheit / welche die Philosophen vnzehlichen viel Nammnen geben haben / nemblichen Azach / nach Indianischer Sprach / ist oder heist Gold / nach Vngarischer Sprach / ist Azach so viel gesagt als Silber / aber nach Alexandrinischer vnnnd Macedonischer / so viel als Eisen / vnd nach Griechischer Mercurius oder Argentum viuum / nach Hebreischer Zinn / vnnnd nach Tartarischer Kupffer / nach Arabischer Zungen Saturnus / das ist Bley / aber nach Lateinischer oder Römischer Sprach Hoganuben / vnd es haben auch die alten Philosophen mit vielen vnd mancherley Nammnen / ihren Stein genennt / nach dem sich die Farben in seiner Kochung verendert haben.

Von der theilung der Philosophischen Wasser vnd von derselben Adel vnd Macht / &c.

Das Dritte Capitel.

WEin lieber Sohn kehre dich vmb vnnnd vmb / vnnnd sihe oder schawe in die weite vnd breite vnser Gartens / vnnnd hab acht auff die lebendigen Brunnen / der da seinen vrsprung hat fließen auß dem Fundament oder Grundveste / so auß den Philosophischen Wurzeln entsprossen ist / vnnnd auß derselbigen ihren Blumen wunderbarlich außgezogen ist / dann diß ist der Brunn des Lebens vnd der Gesundheit / dises Wassers Wirkung ist bey den alten Philosophen / bisher verborgen gewesen / ich aber will dir mit diesem meinem Fürsatz offenbaren von dem verborgenen Stein oder Philosophen / als daß du denselbigen in zwen gleiche theil theilen solt / vnd ein jeglichen theil in sein sonders Gefäß / vnd wol versiglen solt / vñ den einen theil des Wassers soltu coagulieren lassen / das ist / du solt es in seinem beharlichen Gefäß vnd Ofen trocken werden lassen / vnd in Erden verkehren / aber das ander theil des

a ij Wassers